



Broj: 01-50-1-15-28/25

Sarajevo, 15. 5. 2025.

SARAJEVO

PRIJELAZ: 17-06-2025			
Organizaciona jedinica	Klasifikacione oznake	Redni broj	Stranica

ZAPISNIK

28. sjednice Predstavničkog doma Parlamentarne skupštine Bosne i Hercegovine, održane 15. 5. 2025.

Sjednica je počela u 11.45 sati. Prisustvovalo je 39 poslanika.

Odsustvovali su: Sabina Ćudić, Darijana Filipović i Obren Petrović.

Sjednici su prisustvovali ministar pravde BiH Davor Bunoza te delegat u Domu naroda Parlamentarne skupštine BiH Džemal Smajić.

Sjednicu su pratili predstavnici: Generalnog sekretarijata Vijeća ministara BiH, Ureda predsjedavajuće Vijeća ministara BiH, Ministarstva civilnih poslova BiH, Ministarstva pravde BiH, Ministarstva finansija i trezora BiH, Ministarstva za ljudska prava i izbjeglice BiH, Ministarstva vanjske trgovine i ekonomskih odnosa BiH, Pravobranilaštva BiH, Ureda Brčko Distrikta BiH pri Vijeću ministara BiH i studenti Ekonomskog fakulteta Pale koji su na praksi u Parlamentarnoj skupštini BiH.

Iz međunarodnih organizacija sjednicu su pratili predstavnici OSCE-a i Vijeća Evrope, te predstavnici Ambasade Republike Hrvatske u BiH.

U skladu s članom 167. Poslovnika, na početku sjednice, a prije rasprave o dnevnom redu, poslanicima je omogućeno postavljanje poslaničkih pitanja u usmenoj formi.

Šemsudin Mehmedović postavio je na prošloj sjednici pitanje ministru finansija i trezora BiH, ali s obzirom na to da ministar Srđan Amidžić nije prisustvovao sjednici, potrebno je na današnjoj sjednici dati usmeni odgovor, u skladu s članom 169. Poslovnika.

Safet Kešo dostavio je najavu za postavljanje usmenog poslaničkog pitanja Pravobranilaštvu BiH. S obzirom na to da je članom 167. stav (1) Poslovnika predviđeno da „poslanici mogu usmeno postavljati pitanja Vijeću ministara BiH, odnosno pojedinom članu Vijeća ministara BiH“, navedena najava nije uvrštena na današnju sjednicu.

U skladu s članom 168. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- **Albin Muslić** – ministru finansija i trezora BiH,
- **Šemsudin Mehmedović** – ministru pravde BiH,
- **Jasmin Emrić** – zamjeniku ministra sigurnosti BiH,
- **Milan Petković** – ministru vanjske trgovine i ekonomskih odnosa BiH.

Ove najave su, u skladu s članom 168. stav (2) Poslovnika, dostavljene predsjedavajućoj Vijeća ministara BiH i onom članu Vijeća ministara BiH na kojeg se pitanje odnosi.

Sadržaj postavljenih pitanja je sljedeći:

Šemsudin Mehmedović

„Moje pitanje je danas ministru pravde gospodinu Bunozi, a očekujem u pisanoj formi odgovor na pitanje ministru finansija gospodinu Amidžiću. Članom 71. Zakona o radu u institucijama BiH eksplicitno je utvrđeno da radni odnos u institucijama BiH prestaje po sili zakona kada zaposleni navrší 65 godina života ili 40 godina penzijskog staža. Pod istim uslovima, u skladu s članom 50. Zakona o državnoj službi u institucijama BiH, penzioníšu se i državni službenici. Uprkos jasnim zakonskim odredbama koje je usvojila Parlamentarna skupština BiH, prethodni direktor Agencije za državnu službu Neven Akšamija je neovlašteno tumačio Zakon da državnom službeniku ne prestaje radni odnos zbog penzionisanja po sili zakona, čak je u tumačenju Zakona naveo da je odobravanje daljnjeg rada ovih iskusnih državnih službenika benefit za državu jer je rad manje iskusnih kadrova generalno slabije vrijednosti, što je skandalozno. Kakva je to poruka mladim ljudima? Ured za reviziju institucija BiH je u više navrata upozoravao Agenciju za državnu službu i druge državne institucije da je produženje radnog odnosa svim zaposlenim koji su ispunili propisane uslove zabranjeno zakonom. Poseban problem je što se suprotno zakonu omogućava i licima imenovanim na mandat da godinama rade i nakon navršene 65. godine. Navest ću samo nekoliko karakterističnih slučajeva. Milomir Amović, član Komisije za koncesije, ima 72 godine, a mandat mu je istekao prije više od deset godina. Kako Komisija za 20 godina nije izdala ni jedno odobrenje može se, možda se Milomiru Amoviću posreći da za svoj 80. rođendan potpiše prvo rješenje o koncesiji. Boško Šiljegović, vojni povjerenik, ima 69 godina, već je 16 godina na funkciji parlamentarnog vojnog povjerenika, iako je zakonski maksimum dva mandata po pet godina. Kolegij Sekretarijata Parlamentarne, evo brzo ću, pravim uvod, Kolegij Sekretarijata Parlamentarne skupštine BiH tvrdi da se na Boška Šiljegovića ne odnosi Zakon o radu i da ne može biti penzionisan. Naravno da se samo posebnim zakonom može izričito propisati da se odredbe o penzionisanju ne primjenjuju na određene osobe pa smatram da zbog nerada Upravnog inspektorata pri Ministarstvu pravde BiH postoje osnovi sumnje da je budžet institucija BiH oštećen za više miliona konvertibilnih maraka zbog isplate nepripadajućih plata većinom broju osoba u institucijama BiH. Pitanje za ministra pravde Bunozu – Kojim konkretnim odredbama zakona BiH je utvrđeno da se određene kategorije zaposlenih u institucijama BiH ne moraju penzionisati, iako su navršili 65 godina života ili imaju 45 godina penzijskog staža, te da li

Upravni inspektorat uopće provodi inspekcijski nadzor nad provođenjem zakona kojima su propisani uslovi o prestanku radnog odnosa zbog penzionisanja?“

Odgovor na pitanje dao je ministar pravde BiH Davor Bunoza. Šemsudin Mehmedović komentirao je dobiveni odgovor i zatražio njegovo dostavljanje u pisanoj formi.

Albin Muslić

„Uvažene kolegice i kolege, ja imam usmeno poslaničko pitanje prema ministru finansija i trezora BiH koji opet nije s nama ovdje. Naime, 25. 4. 2025. godine postavio sam u pisanom obliku poslaničko pitanje prema resornom ministru u pogledu isključenja interneta na Carinskoj ispostavi Bihać na Graničnom prijelazu Izačić. Naime, prema informacijama do kojih sam došao, po nalogu izvjesnog Gorana Marinkovića isključen je internet na Carinskoj ispostavi Bihać koja mjesečno ostvari po osnovu PDV-a, carina i akciza oko 25 miliona konvertibilnih maraka. Da stvar bude još tragičnija, prilikom carinjenja putničkih motornih vozila uposlenici Carinske ispostave Bihać koriste kataloge za 2020, 2021, 2022. i 2023. godinu, a uopće nemaju kataloga za vozila koja su proizvedena 2024. i 2025. godine. Kako nemaju interneta, proces carinjenja vozila i druge robe koja dolazi na Carinsku ispostavu Bihać jednostavno je onemogućena jer, kako je usmeno rečeno, zbog prekoračenja potrošnje interneta. Ja sad postavljam pitanje – Da li je uopće moguće da u jednoj državnoj instituciji mi imamo nekakve ograničene pakete interneta kada *de facto* svako domaćinstvo ima, ako ništa drugo, neograničeni internet ili barem svako? Tražim od uvaženog ministra finansija i trezora BiH odgovor u pisanom obliku i da li je ovakva praksa pored Carinske ispostave Bihać zabilježena i u okviru drugih carinskih ispostava u BiH i da li je postupanje uvaženog gospodina Marinkovića dio nekakvog plana ili je riječ samo o nekakvom propustu zato što nije uključen internet s neograničenim prometom? Molim odgovor u pisanom obliku.“

S obzirom na to da sjednici nije prisustvovao ministar finansija i trezora BiH Srđan Amidžić, Albin Muslić zatražio je da se odgovor dostavi u pisanoj formi.

Jasmin Emrić

„18. marta tekuće godine direktor Državne agencije za istrage i zaštitu Darko Ćulum podnio je ostavku na tu dužnost. Dva dana kasnije, 20. marta, prije nego što je razriješen funkcije direktora od strane Vijeća ministara BiH, on se odaziva na javni poziv Vlade Republike Srpske za preuzimanje radnika iz SIPA-e u MUP Republike Srpske, te je tako ispoštovao i protuustavne zakone koje je usvojila Narodna skupština Republike Srpske, a kojima se zabranjuje rad SIPA-e, Suda i Tužilaštva BiH i Visokog sudskog i tužilačkog vijeća na području tog bosanskohercegovačkog entiteta. Nakon podnošenja ostavke, nerazriješeni direktor SIPA-e 20. marta tekuće godine prelazi u Banju Luku gdje su mu ministar unutrašnjih poslova Republike Srpske Siniša Karan i direktor policije Siniša Kostrešević poželjeli dobrodošlicu u Ministarstvo unutrašnjih poslova tog bosanskohercegovačkog entiteta. Navedene poduzete radnje direktora SIPA-e Darka Ćuluma su osnov za sumnju da je počinio krivično djelo iz člana 239. Krivičnog zakona BiH – neizvršavanje odluke Ustavnog suda BiH. Od prelaska u MUP Republike Srpske do danas nerazriješeni direktor SIPA-e ne dolazi na

posao, dakle preko 35 radnih dana neopravdano ne dolazi na posao, čime mu je prestao radni odnos po sili zakona u tom policijskom tijelu BiH. Budući da je članom 8. stav (4) Zakona o Državnoj agenciji za istrage i zaštitu utvrđeno da je direktor za svoj rad i rad SIPA-e te za situaciju na područjima iz nadležnosti SIPA-e odgovoran ministru sigurnosti i Vijeću ministara, postavljam pitanje zamjeniku ministra sigurnosti Ivici Bošnjaku, koji privremeno obavlja dužnost ministra. Da li je direktoru SIPA-e Darku Čulumu u skladu s članom 110. stav (8) izrečena obavezna disciplinska sankcija prekida radnog odnosa, a koja se izriče za težu povredu službene dužnosti iz člana 105. stav (1) tačka 20) Zakona o policijskim službenicima, koja glasi – neopravdana odsutnost s dužnosti u trajanju od tri uzastopna dana ili od ukupno pet dana u toku jedne kalendarske godine, te da li mu je prekinut radni odnos i u skladu s članom 119. stav (1) tačka 1) Zakona o policijskim službenicima zbog toga što je svojevoljno dao otkaz u SIPA-i?”

Sjednici nije prisustvovao zamjenik ministra sigurnosti BiH Ivica Bošnjak, te je Jasmin Emrić zatražio da se odgovor dostavi u pisanoj formi, kao i odgovor u usmenoj formi na sljedećoj sjednici, predviđenoj za postavljanje poslaničkih pitanja u usmenoj formi, u skladu s Poslovníkom.

Milan Petković

„Moje pitanje upućujem ministru spoljne trgovine gospodinu Staši Košarcu, a tiče se – Kada će BiH dobiti zakon o regulatoru električne energije, prenosu i tržištu električne energije? Naime, iz medija smo obaviješteni da je u proteklom periodu održan sastanak s direktorom Sekretarijata Energetske zajednice gospodinom Arturom Lorkovskim u Beču i da je tada usaglašen tekst Zakona o regulatoru električne energije, prenosu i tržištu električne energije. Na tom sastanku su učestvovali entitetski ministri energetike, kao i gospodin Košarac. BiH nakon deset godina odugovlačenja napokon bi trebala dobiti uređeno tržište električne energije, trebala bi dobiti po prvi put berzu električne energije, kako je tada rečeno, sa sjedištem u Mostaru, te bi bila izuzeta od plaćanja karbonske takse Evropskoj uniji, što je jako značajno i na šta čeka veliki broj proizvođača i izvoznika električne energije u BiH. Mene interesuje kada možemo očekivati da će ovaj zakon biti u proceduri pred Savjetom ministara, ali i kada ga možemo mi očekivati ovdje u Predstavničkom domu, kasnije naravno i u Domu naroda ukoliko prođe? To nam, očekujem taj pismeni odgovor od gospodina Košarca.“

S obzirom na to da sjednici nije prisustvovao ministar vanjske trgovine i ekonomskih odnosa BiH Staša Košarac, Milan Petković zatražio je da se odgovor dostavi u pisanoj formi.

Predsjedavajući je, povodom utvrđivanja dnevnog reda, rekao sljedeće:

Na zahtjev Zajedničke komisije za ljudska prava skinuta je ranija:

- **Tačka 7.** Izvještaj o zbrinjavanju izbjeglica i stranaca pod supsidijarnom zaštitom u Bosni i Hercegovini za 2023. godinu, podnosilac: Ministarstvo za ljudska prava i izbjeglice BiH, broj: 01,02,03-41-927/25 od 10. 4. 2025.

Odlukom Kolegija Predstavničkog doma, a zbog potrebe dodatnog usaglašavanja unutar Zajedničke komisije, skinuta je ranija:

- **Tačka 8.** Izvještaj o radu Zajedničke komisije za nadzor nad radom Obavještajno-sigurnosne agencije BiH za 2024. godinu, broj: 01,02-50-14-1072/25 od 29. 4. 2025.

Na zahtjev Komisije za vanjske poslove skinuta je ranija:

- **Tačka 12.** Davanje saglasnosti za ratifikaciju Izmjena i dopuna Statuta Organizacije Ujedinjenih naroda za turizam i njegovog aneksa – pravila finansiranja, broj: 01,02-21-1-1073/25 od 30. 4. 2025.

Na dnevni red dodate su:

- **Tačka 4.** Prijedlog zakona o dopuni Zakona o finansiranju institucija Bosne i Hercegovine, predlažać: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BHI KF, broj: 01-02-1-1122/25 od 13. 5. 2025, skraćeni postupak (prvo čitanje);
- **Tačka 5.** Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlažać: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BHI KF, broj: 01-02-1-1123/25 od 13. 5. 2025, skraćeni postupak (prvo čitanje);
- **Tačka 11.** Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure imenovanja članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine, predlažać: Kolegij Predstavničkog doma Parlamentarne skupštine BiH, broj: 01-34-1-1139/25 od 15. 5. 2025. i
- **Tačka 12.** Prijedlog zaključka o potrebi hitnog pokretanja procedure imenovanja ministra sigurnosti u Vijeću ministara Bosne i Hercegovine, predlažać: predsjedavajući Kluba poslanika Socijaldemokratske partije BiH Saša Magazinović, predsjedavajuća Kluba poslanika SDS - PDP - ZA PRAVDU I RED Mira Pekić, predsjedavajući Kluba poslanika Narod i pravda Nihad Omerović, predsjedavajuća Kluba poslanika Naša stranka - BHI KF Sabina Ćudić i predsjedavajući Mješovitog kluba poslanika Jasmin Emrić, broj: 01-50-1-1138/25 od 15. 5. 2025.

U okviru rasprave o dnevnom redu Saša Magazinović rekao je da je u vezi s dva prijedloga zakona, iz tačaka 4. i 5. dnevnog reda, koja su prvobitno dostavljena sa zahtjevom za razmatranje po hitnom postupku, na sjednici Kolegija u proširenom sastavu dogovoreno da se razmatraju po skraćenom postupku, a da komisije svoja mišljenja daju u pauzi sjednice.

Diskutirali su Mia Karamehić-Abazović i Milorad Kojić.

Predsjedavajući je konstatirao da 28. sjednica Predstavničkog doma ima sljedeći

DNEVNI RED

1. Usvajanje Zapisnika 27. sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Prijedlog zakona o izmjeni Zakona o Javnom radiotelevizijskom servisu Bosne i Hercegovine, predlagач: poslanik Jasmin Imamović, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1037/25 od 25. 4. 2025;
4. Prijedlog zakona o dopuni Zakona o finansiranju institucija Bosne i Hercegovine, predlagач: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BiH KF, broj: 01-02-1-1122/25 od 13. 5. 2025, skraćeni postupak (prvo čitanje);
5. Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlagач: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BiH KF, broj: 01-02-1-1123/25 od 13. 5. 2025, skraćeni postupak (prvo čitanje);
6. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlagач: poslanici Saša Magazinović i Jasmin Imamović, broj: 01-02-1-813/25 od 26. 3. 2025. (drugo čitanje);
7. Prijedlog zakona o izmjenama Zakona o plaćama i naknadama u institucijama Bosne i Hercegovine, predlagач: Dom naroda Parlamentarne skupštine BiH, zakon broj: 01,02-02-1-347/25 od 7. 4. 2025. (prvo čitanje);
8. Izvještaj komisije Kolegija o nastojanju za postizanje saglasnosti o prijedlogu zaključka iz Mišljenja Komisije za saobraćaj i komunikacije o Izvještaju o radu Državne regulatorne komisije za električnu energiju u 2024. godini, broj: 01-50-1-15-27/25, veza: 01,02-50-18-821/25 od 16. 4. 2025;
9. Informacija Pravobranilaštva BiH koja se odnosi na arbitražne postupke (realizacija zaključka Predstavničkog doma Parlamentarne skupštine BiH s 27. sjednice, održane 15. 4. 2025), broj: 01-50-1-15-27/25, veza: 01-07-4-1045/25 od 25. 4. 2025;
10. Prijedlog zaključka poslanika: Jasmina Emrića, Zlatana Begića, Elvise Hodžić i Šemsudina Mehmedovića u vezi s Prijedlogom zakona o dopunama Zakona o parlamentarnom nadzoru, broj: 01-50-1-983/25 od 17. 4. 2025;
11. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure imenovanja članova Nezavisnog

odbora i Odbora za žalbe građana kao nezavisnih tijela policijske strukture Bosne i Hercegovine, predlagač: Kolegij Predstavničkog doma Parlamentarne skupštine BiH, broj: 01-34-1-1139/25 od 15. 5. 2025;

12. Prijedlog zaključka o potrebi hitnog pokretanja procedure imenovanja ministra sigurnosti u Vijeću ministara Bosne i Hercegovine, predlagač: predsjedavajući Kluba poslanika Socijaldemokratske partije BiH Saša Magazinović, predsjedavajuća Kluba poslanika SDS - PDP - ZA PRAVDU I RED Mira Pekić, predsjedavajući Kluba poslanika Narod i pravda Nihad Omerović, predsjedavajuća Kluba poslanika Naša stranka - BHI KF Sabina Čudić i predsjedavajući Mješovitog kluba poslanika Jasmin Emrić, broj: 01-50-1-1138/25 od 15. 5. 2025;
13. Poslanička inicijativa Jasmina Emrića kojom Predstavnički dom Parlamentarne skupštine BiH, u skladu s članom 35. Zakona o Vijeću ministara Bosne i Hercegovine („Službeni glasnik BiH“, br. 38/02, 30/03, 42/03, 81/06, 76/07, 81/07, 94/07 i 24/08), zadužuje Vijeće ministara BiH da, u roku od 60 dana, u parlamentarnu proceduru dostavi izmjene Zakona o javnim nabavkama („Službeni glasnik BiH“, br. 39/14, 59/22 i 50/24) kojim bi se zakonske odredbe u cijelosti međusobno uskladile radi otklanjanja postojeće kontradiktornosti, te kako bi se povećala pravna sigurnost u postupcima javnih nabavki u Bosni i Hercegovini, broj: 01-50-1-886/25 od 4. 4. 2025.

Ad. 1. Usvajanje Zapisnika 27. sjednice Predstavničkog doma Parlamentarne skupštine BiH

Predsjedavajući je dao uvodne napomene. Nije bilo rasprave.

Zapisnik 27. sjednice Predstavničkog doma usvojen je s 24 glasa „za“ (iz Federacije BiH 18, iz Republike Srpske šest), jednim „protiv“ i bez „suzdržanih“ glasova.

Ad. 2. Komentari na dobivene odgovore na poslanička pitanja

Predsjedavajući je rekao da su, u skladu s članom 170. Poslovnika, do ove sjednice Predstavničkog doma pitanja u pisanoj formi postavili poslanici:

- Šemsudin Mehmedović – postavio šest pitanja,
- Šemsudin Dedić – postavio osam pitanja,
- Albin Muslić – postavio tri pitanja,
- Saša Magazinović – postavio četiri pitanja,
- Rejhana Dervišević – postavila tri pitanja, od toga jedno pitanje upućeno na 71 instituciju BiH,
- Aida Baručija – postavila tri pitanja, od toga jedno pitanje upućeno na 62 institucije BiH,

- Ermina Salkičević-Dizdarević – postavila pet pitanja,
- Sabina Ćudić, Aida Baručija i Predrag Kojović – zajedno postavili jedno pitanje.

Do današnje sjednice dostavljeni su sljedeći odgovori:

- na pitanja Aide Baručije dostavljeno je 50 odgovora,
- na pitanja Saše Magazinovića dostavljeno je 20 odgovora,
- na pitanja Rejhane Dervišević dostavljena su 22 odgovora,
- na pitanja Jasmina Emrića dostavljeno je pet odgovora,
- na pitanja Šemsudina Mehmedovića dostavljena su tri odgovora,
- na pitanja Ermine Salkičević-Dizdarević dostavljena su dva odgovora,
- na pitanja Albina Muslića dostavljena su dva odgovora,
- na pitanja Šerifa Špage dostavljena su tri odgovora,
- na pitanja Safeta Keše dostavljena su dva odgovora,
- na pitanja Nermina Mandre dostavljena su dva odgovora,
- na pitanje Sanje Vulić dostavljen je jedan odgovor.

Odgovore su komentirali: Šemsudin Mehmedović, Jasmin Emrić, Safet Kešo, Mia Karamehić-Abazović i Albin Muslić.

Ad. 3. Prijedlog zakona o izmjeni Zakona o Javnom radiotelevizijskom servisu Bosne i Hercegovine, predlagač: poslanik Jasmin Imamović, sa zahtjevom za razmatranje po hitnom postupku, u skladu s članom 133. Poslovnika, broj: 01-02-1-1037/25 od 25. 4. 2025.

Predsjedavajući je dao uvodne napomene. Jasmin Imamović obrazložio je zahtjev za hitni postupak. Diskutirao je Šerif Špago.

„Za“ zahtjev poslanika Jasmina Imamovića za razmatranje Prijedloga zakona o izmjeni Zakona o Javnom radiotelevizijskom servisu Bosne i Hercegovine po hitnom postupku, u skladu s članom 133. Poslovnika, glasala su 24 poslanika (iz Federacije BiH 20, iz Republike Srpske četiri), „protiv“ deset, „suzdržan“ jedan. Predsjedavajući je konstatirao da nema potrebne entitetske većine u prvom krugu glasanja i da će Kolegij Doma kao komisija obaviti naknadno usaglašavanje o zahtjevu za hitni postupak.

Na prijedlog Saše Magazinovića, s 29 glasova „za“ (iz Federacije BiH 24, iz Republike Srpske pet), sedam „protiv“ i bez „suzdržanih“ glasova, odlučeno je da se objedini rasprava o tačkama 4. i 5. dnevnog reda.

Ad. 4. Prijedlog zakona o dopuni Zakona o finansiranju institucija Bosne i Hercegovine, predlađač: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BiH KF, broj: 01-02-1-1122/25 od 13. 5. 2025, skraćeni postupak (prvo čitanje)

Ad. 5. Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine, predlađač: poslanici Saša Magazinović, predsjedavajući Kluba poslanika SDPBiH, Nihad Omerović, predsjedavajući Kluba poslanika NIP, i Sabina Ćudić, predsjedavajuća Kluba poslanika NS-BiH KF, broj: 01-02-1-1123/25 od 13. 5. 2025, skraćeni postupak (prvo čitanje)

Predsjedavajući je dao uvodne napomene.

U raspravi su učestvovali: Mia Karamehić-Abazović, Saša Magazinović, Miroslav Vujičić i Predrag Kožul.

Prijedlog zakona o dopuni Zakona o finansiranju institucija Bosne i Hercegovine usvojen je u prvom čitanju jednoglasno, s 25 glasova „za“ (iz Federacije BiH 19, iz Republike Srpske šest).

Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine usvojen je u prvom čitanju jednoglasno, s 25 glasova „za“ (iz Federacije BiH 19, iz Republike Srpske šest).

Ad. 6. Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini, predlađač: poslanici Saša Magazinović i Jasmin Imamović, broj: 01-02-1-813/25 od 26. 3. 2025. (drugo čitanje)

Predsjedavajući je dao uvodne napomene.

Saša Magazinović diskutirao je u ime predlađača Zakona.

U raspravi su učestvovali: Sanja Vulić, Saša Magazinović, Jasmin Imamović, Midhat Čaušević, Safet Kešo, Darko Babalj i Milorad Kojić.

Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini usvojen je u drugom čitanju jednoglasno, s 25 glasova „za“

(iz Federacije BiH 19, iz Republike Srpske šest), čime su usvojeni i amandmani sadržani u Izvještaju Komisije za saobraćaj i komunikacije, koji glase:

Amandman I.

U članu 1. Prijedloga zakona, koji se odnosi na član 9. važećeg zakona, tekst izmjene tačke 56) briše se.

Amandman II.

U Prijedlogu zakona, u cijelom tekstu, u odgovarajućim padežima, riječi: „saobraćajna nesreća“ zamjenjuju se riječima: „saobraćajna nezgoda“.

Amandman III.

U Prijedlogu zakona, u cijelom tekstu, u odgovarajućim padežima, riječi: „obijesna odnosno bahata vožnja“ zamjenjuju se riječima: „obijesna vožnja“.

Amandman IV.

U članu 2. Prijedloga zakona, kojim se dodaje novi član 42a, u stavu (3) na kraju teksta dodaju se riječi: „ovog zakona“ i interpunkcijski znak tačka.

Ad. 7. Prijedlog zakona o izmjenama Zakona o plaćama i naknadama u institucijama Bosne i Hercegovine, predlađač: Dom naroda Parlamentarne skupštine BiH, zakon broj: 01,02-02-1-347/25 od 7. 4. 2025. (prvo čitanje)

Predsjedavajući je dao uvodne napomene. Rekao je da je na sjednici Kolegija u proširenom sastavu usaglašeno da se Prijedlog zakona o izmjenama Zakona o plaćama i naknadama u institucijama Bosne i Hercegovine razmatra po hitnoj proceduri, u skladu s članom 133. Poslovnika. Ovaj prijedlog prihvaćen je s 32 glasa „za“ (iz Federacije BiH 23, iz Republike Srpske devet), bez glasova „protiv“ i tri „suzdržana“ glasa.

U raspravi o Prijedlogu zakona učestvovali su: Nihad Omerović, Šerif Špago, Saša Magazinović, Safet Kešo, Sanja Vulić, Zlatan Begić, Rejhana Dervišević i Jasmin Emrić.

Domu se, u ime predlaagača Zakona, obratio delegat Džemal Smajić.

Prijedlog zakona o izmjenama Zakona o plaćama i naknadama u institucijama Bosne i Hercegovine usvojen je jednoglasno, s 27 glasova „za“ (iz Federacije BiH 21, iz Republike Srpske šest).

Ad. 8. Izvještaj komisije Kolegija o nastojanju za postizanje saglasnosti o prijedlogu zaključka iz Mišljenja Komisije za saobraćaj i komunikacije o Izvještaju o radu Državne regulatorne komisije za električnu energiju u 2024. godini, broj: 01-50-1-15-27/25, veza: 01,02-50-18-821/25 od 16. 4. 2025.

Predsjedavajući je dao uvodne napomene. Nije bilo rasprave s obzirom na to da je okončana na prethodnoj sjednici.

U drugom krugu glasanja, s 19 glasova „za“, tri „protiv“ (iz Republike Srpske) i pet „suzdržanih“, usvojen je zaključak iz Mišljenja Komisije za saobraćaj i komunikacije o Izvještaju o radu Državne regulatorne komisije za električnu energiju u 2024. godini, koji glasi:

„Predstavnički dom Parlamentarne skupštine BiH poziva Dom naroda Parlamentarne skupštine BiH da se izjasni o Prijedlogu odluke o imenovanju članova Državne regulatorne komisije za električnu energiju iz Federacije Bosne i Hercegovine (akt Vijeća ministara BiH, broj: 01,02-34-1-401/23 od 17. 2. 2023), s obzirom na to da je Predstavnički dom na 4. sjednici, održanoj 23. 2. 2023, usvojio Odluku o imenovanju članova Državne regulatorne komisije za električnu energiju iz Federacije Bosne i Hercegovine.“

Ad. 9. Informacija Pravobranilaštva BiH koja se odnosi na arbitražne postupke (realizacija zaključka Predstavničkog doma Parlamentarne skupštine BiH s 27. sjednice, održane 15. 4. 2025), broj: 01-50-1-15-27/25, veza: 01-07-4-1045/25 od 25. 4. 2025.

Predsjedavajući je dao uvodne napomene.

U raspravi su učestvovali: Jasmin Emrić, Predrag Kožul, Ermina Salkičević-Dizdarević, Saša Magazinović, Šerif Špago, Mladen Bosić, Jasmin Imamović, Safet Kešo, Branislav Borenović, Mira Pekić, Darko Babalj, Milorad Kojić, Zlatan Begić, Šemsudin Mehmedović i Denis Zvizdić.

Jasmin Emrić predložio je sljedeće zaključke:

1. Predstavnički dom Parlamentarne skupštine BiH traži od Pravobranilaštva BiH da hitno, u najkraćim rokovima, preduzme sve pravne radnje i sredstva u skladu s nadležnostima, radi zaštite imovine i imovinskih interesa Bosne i Hercegovine u konkretnom predmetu izvršenja obaveza Vlade Republike Srpske iz člana 4. Sporazuma o međusobnim pravima i obavezama u vezi s arbitražnim postupkom u predmetu Viaduct d. o. o. Portorož i drugi protiv tužene Bosne i Hercegovine pred Međunarodnim centrom za rješavanje investicionih sporova u Vašingtonu, koji je zaključen između Bosne i Hercegovine – Vijeća ministara Bosne i Hercegovine i Republike Srpske – Vlada Republike Srpske.
2. Predstavnički dom Parlamentarne skupštine BiH zadužuje Komisiju za finansije i budžet i Komisiju za borbu protiv korupcije da kontinuirano prate i vrše parlamentarni nadzor

provođenjem saslušanja i parlamentarnih javnih istraga u svim arbitražnim postupcima koji su sadržani u predmetnom izvještaju Pravobranilaštva BiH u vezi s arbitražnim postupcima, broj: 01-07-2-PbiH-63/25 od 24. 4. 2025.

Navedeni zaključci usvojeni su s 24 glasa „za“ (iz Federacije BiH 18, iz Republike Srpske šest), jednim „protiv“ i dva „suzdržana“ glasa.

Predsjedavajući je konstatirao da je Informacija Pravobranilaštva BiH koja se odnosi na arbitražne postupke primljena k znanju.

Ad. 10. Prijedlog zaključka poslanika: Jasmina Emrića, Zlatana Begića, Elvise Hodžić i Šemsudina Mehmedovića u vezi s Prijedlogom zakona o dopunama Zakona o parlamentarnom nadzoru, broj: 01-50-1-983/25 od 17. 4. 2025.

Predsjedavajući je dao uvodne napomene. Nije bilo rasprave.

S 23 glasa „za“ (iz Federacije BiH 18, iz Republike Srpske pet), dva „protiv“ i dva „suzdržana“ glasa, usvojen je zaključak poslanika: Jasmina Emrića, Zlatana Begića, Elvise Hodžić i Šemsudina Mehmedovića u vezi s Prijedlogom zakona o dopunama Zakona o parlamentarnom nadzoru, koji glasi: „Na osnovu člana 124. Poslovnika Doma naroda ('Službeni glasnik BiH', br. 58/14, 88/15, 96/15 i 53/16), Predstavnički dom Parlamentarne skupštine BiH traži od Doma naroda Parlamentarne skupštine BiH da Prijedlog zakona o dopunama Zakona o parlamentarnom nadzoru, koji je Predstavnički dom usvojio na 27. sjednici, održanoj 15. 4. 2025, razmatra po hitnom postupku.“

Ad. 11. Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure imenovanja članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine, predlagač: Kolegij Predstavničkog doma Parlamentarne skupštine BiH, broj: 01-34-1-1139/25 od 15. 5. 2025.

Nakon uvodnih napomena predsjedavajućeg, nije bilo rasprave.

Prijedlog zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure imenovanja članova Nezavisnog odbora i Odbora za žalbe građana kao nezavisnih tijela policijske strukture Bosne i Hercegovine usvojen je s 21 glasom „za“ (iz Federacije BiH 16, iz Republike Srpske pet), šest „protiv“ i bez „suzdržanih“ glasova. U Privremenu zajedničku komisiju iz Predstavničkog doma imenovani su: Denis Zvizdić, Marinko Čavara i Darko Babalj.

Ad. 12. Prijedlog zaključka o potrebi hitnog pokretanja procedure imenovanja ministra sigurnosti u Vijeću ministara Bosne i Hercegovine, predlaže: predsjedavajući Kluba poslanika Socijaldemokratske partije BiH Saša Magazinović, predsjedavajuća Kluba poslanika SDS - PDP - ZA PRAVDU I RED Mira Pekić, predsjedavajući Kluba poslanika Narod i pravda Nihad Omerović, predsjedavajuća Kluba poslanika Naša stranka - BHI KF Sabina Ćudić i predsjedavajući Mješovitog kluba poslanika Jasmin Emrić, broj: 01-50-1-1138/25 od 15. 5. 2025.

Nakon uvodnih napomena predsjedavajućeg, u raspravi su učestvovali: Predrag Kojović, Predrag Kožul, Nihad Omerović, Denis Zvizdić, Saša Magazinović, Branislav Borenović, Jasmin Imamović i Šerif Špago.

Predstavnički dom, s 21 glasom „za“ (iz Federacije BiH 16, iz Republike Srpske pet), tri „protiv“ i tri „suzdržana“ glasa, usvojio je prijedlog zaključka o potrebi hitnog pokretanja procedure imenovanja ministra sigurnosti u Vijeću ministara Bosne i Hercegovine, predlaže: predsjedavajući Kluba poslanika Socijaldemokratske partije BiH Saša Magazinović, predsjedavajuća Kluba poslanika SDS - PDP - ZA PRAVDU I RED Mira Pekić, predsjedavajući Kluba poslanika Narod i pravda Nihad Omerović, predsjedavajuća Kluba poslanika Naša stranka - BHI KF Sabina Ćudić i predsjedavajući Mješovitog kluba poslanika Jasmin Emrić, koji glasi:

1. Predstavnički dom Parlamentarne skupštine BiH nalaže predsjedavajućoj Vijeća ministara BiH da, u skladu s čl. 10. i 14. Zakona o Vijeću ministara Bosne i Hercegovine, imenuje i pošalje u proceduru provjere prijedlog za ministra sigurnosti Bosne i Hercegovine koji su joj 18. 3. 2025. dostavili šefovi pet klubova u Predstavničkom domu.
2. Ako predsjedavajuća Vijeća ministara BiH ne postupi u skladu s tačkom 1. ovog zaključka, to će biti tretirano kao nastavak flagrantnog kršenja Zakona o Vijeću ministara Bosne i Hercegovine i onemogućavanje efikasnosti rada u Vijeću ministara BiH.
3. Ovaj zaključak stupa na snagu danom donošenja i bit će objavljen u „Službenom glasniku BiH“.

Šerif Špago predložio je sljedeću dopunu zaključka:

1. Dodaje se nova tačka 3. koja glasi:
 3. „Ako predsjedavajuća Vijeća ministara BiH ne postupi u skladu s tačkom 1. ovog zaključka, inicirat će se prijedlog za glasanje o nepovjerenju Vijeću ministara, u skladu s članom 153. Poslovnika Predstavničkog doma Parlamentarne skupštine BiH.“
2. Tačka 3. prijedloga zaključka postaje tačka 4.

Prijedlog dopune zaključka nije usvojen – „za“ je glasalo 12 poslanika (iz Federacije BiH šest, iz Republike Srpske šest), „protiv“ 13, a „suzdržana“ su bila dva poslanika.

Ad. 13. Poslanička inicijativa Jasmina Emrića kojom Predstavnički dom Parlamentarne skupštine BiH, u skladu s članom 35. Zakona o Vijeću ministara Bosne i Hercegovine („Službeni glasnik BiH“, br. 38/02, 30/03, 42/03, 81/06, 76/07, 81/07, 94/07 i 24/08), zadužuje Vijeće ministara BiH da, u roku od 60 dana, u parlamentarnu proceduru dostavi izmjene Zakona o javnim nabavkama („Službeni glasnik BiH“, br. 39/14, 59/22 i 50/24) kojim bi se zakonske odredbe u cijelosti međusobno uskladile radi otklanjanja postojeće kontradiktornosti, te kako bi se povećala pravna sigurnost u postupcima javnih nabavki u Bosni i Hercegovini, broj: 01-50-1-886/25 od 4. 4. 2025.

Predsjedavajući je dao uvodne napomene. Diskutirao je Jasmin Emrić.

S 19 glasova „za“ (iz Federacije BiH 14, iz Republike Srpske pet), tri „protiv“ i pet „suzdržanih“ glasova, usvojen je zaključak iz Mišljenja Komisije za finansije i budžet koji glasi: „U vezi sa zaprimljenom Informacijom Agencije za javne nabavke BiH o primjeni Zakona o javnim nabavkama i Informacijom Ureda za razmatranje žalbi BiH o do sada uočenim teškoćama u primjeni Zakona o javnim nabavkama, Predstavnički dom Parlamentarne skupštine BiH nalaže Vijeću ministara BiH da, u roku od 90 dana, u parlamentarnu proceduru dostavi novi Nacrt zakona o javnim nabavkama u skladu sa Strategijom o javnim nabavkama u Bosni i Hercegovini 2024 – 2028. godina.“

Poslanička inicijativa Jasmina Emrića usvojena je sa 18 glasova „za“ (iz Federacije BiH 13, iz Republike Srpske pet), tri „protiv“ i šest „suzdržanih“ glasova.

Sjednica je završena u 19.20 sati.

Sastavni dio Zapisnika je transkript 28. sjednice Predstavničkog doma.

SEKRETAR
PREDSTAVNIČKOG DOMA
Dražen Mustapić

PREDSJEDAVAJUĆI
PREDSTAVNIČKOG DOMA
Dr. Denis Zvizdić